



Publicaziuns dalla vischnaunca, jamna 25

Damonda da baghegiar

2018-2043.000

Datum dalla publicaziun: 22 da zercladur 2018

Il patron: Hubertus Deflorin-Van Eetvelde, Via Lucmagn 10, 7180 Disentis/Mustér

Il representant: Hubertus Deflorin, Via Lucmagn 10, 7180 Disentis/Mustér

Object: Niev esch d'entrada e nova finiastra ella stanza veglia dils tancs d'ieli, construcziun d'ina scala pigl access ed in tetg sur l'entrada, parcella 781, Via Lucmagn 10, 7180 Disentis/Mustér

– Ils plans da construcziun ein deponi tier l'administraziun communal.

– L'envesta publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis all'instanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 19 da zercladur 2018

Uffeci da baghegiar Disentis/Mustér

Appel als possessurs da tgauns

Adina puspei constatein nus che tgauns spassegian libramein e senza survegionza pil vitg e la cuntrada entuorn. Ultra da quei observein nus savens ch'ils satgets cun excrements da tgauns vegnan tratgs sils praus e sin las pastiras e deponi ordeifer ils recipients (Robidogs) destinai per quei intent.

Sebasond sin art. 18 dalla lescha d'agricultura sco era las prescripziuns generalas eis ei scumandau da schar ir libramein ils tgauns. Surpassaments encunter las prescripziuns dalla lescha d'agricultura san vegnir puni entras la suprastonza communal.

Nus supplichein tuts possessurs da tgauns da survegilar lur tgauns. Plinavon appellein nus da far diever dils satgets per excrements sco era dils recipients (Robidogs) che stattan a disposiziun.

Bien engraziament per Vossa capientscha.

Suprastonza communal

KnS Information/Mitteilung der Repower Illanz

Leitungsunterbrüche Glasfasernetz zwischen Illanz und Disentis

Signalunterbruch infolge Bauarbeiten

Infolge Erneuerungsarbeiten am Bahnhof RhB in Illanz muss die Repower das Glasfaserkabel zwischen Illanz und Disentis umlegen. Die Umschaltung findet während einer Nachtschicht statt. Die Kommunikationsverbindungen und -dienste werden während der Umschaltung unterbrochen. Zu folgender Zeit sind sämtliche Kommunikationsdienste unterbrochen:

Betroffene Orte: Strecke Illanz–Disentis

Beginn: 28.6.2018 ab 0.30 Uhr

Ende: 28.6.2018 bis 5 Uhr

Die Repower versucht den Unterbruch so kurz wie möglich zu halten. Dennoch ist mit einem längeren Unterbruch während der angegebenen Arbeitszeit zu rechnen. Bei allfälligen Fragen stehen wir Ihnen gerne zur Verfügung. Die Dienstleistungen des KnS stehen Ihnen nach der Umlegung der Kabel wie gewohnt zur Verfügung. Wir entschuldigen uns für die Unannehmlichkeiten und danken für Ihr Verständnis.

Ihr KnS-Team



Arsira da plontas

Era uonn ei il tema arsira da plontas (Feuerbrand) puspei actuals en nossa vischnaunca. Quei ei ina malsogna da bacterias che attacca mo certas plontas: maler, pìrer e cudugner (Quittenbaum), cotoneaster, cagliastretg (Weissdorn) ni culeischen. Per carstgauns ed animals ei la malsogna negin prighel.

Jeu supplicheschel da tener en egl quellas plontas ed annunziar a mi (076 453 99 99) ni all'administraziun communal (081 920 36 36) sche Vus vesis plontas malsaunas. Per evitar ina derasaziun dalla malsogna, supplicheschel da buca tuccar en ni tagliar giu las frastgas malsaunas. En cass da damondas stundel bugen a disposiziun.

Placi Bigliel, controllader

Controla da habitonts

Naschientscha

Elisa Sari Hosang, naschida ils 8 da matg 2018 feglia da Nadja e Beat Hosang-Caduff

Viadi comunabel al «Donnschtig-Jass»

Ils 26 da fenadur 2018 astgan la jassista ed ils jassists da Disentis/Mustér separticipar al «Donnschtig-Jass» ad Elgg ni Oberrieden (liug d'emissiun vegn eruius in'jamna avon).

Per sustener nos jassists el cantun Turitg organisein nus in viadi cun in bus da fans.

Datum: ils 26 da fenadur 2018

Partenza: naven dalla staziun da Disentis/Mustér
allas 15.00

Cuosts: per persuna frs. 20.–/per famiglia frs. 50.– (cumprui in t-shirt da fan)

Persunas interessadas san s'annunziar entochen ils 24 da zercladur 2018 tier Sedrum Mustér Turissem, 081 920 40 30 ni info@disentis-sedrun.ch.

Adatg! Per l'emissiun dils 2 d'uost 2018 a Disentis/Mustér encurin nus aunc voluntaris pil service, buffet sco era per la cuschina. Nus selegrein sin Voss'annunzia.

Bien engraziament per Vies sustegn ed als giugadurs da jass giavischein nus gia oz bien cletg.

Sedrun Mustér Turissem

Uniun da dunnas Disentis/Mustér

Noss'uniun ha «midau casa», e vus saveis dar in sguard nua che nus sesanflein.

Dapi l'entschatta zercladur sesanfla nies local dall'uniun el local public en l'emprema casa cotschna a Sut Gliendas.

Radunonzas ed occurrenz (plaz per 30 persunas) vegnan menadas atras en quei bi ed emperneivel local. Il local sa vegnir affittaus dad autras uniuns ed organizaziuns sco era da persunas singulas. Il local ei era adattaus per sentupadas e pintgas fiastas da famiglia.

Ulteriur scleariment obtenis Vus tier il secretariat, Astrid Flepp, 076 580 61 16, astrid.flepp@bluewin.ch.

Havein nus svegliu vies interess? Bugen dein nus caschun da far ina viseta en quei local **venderdis, ils 22 da zercladur** dallas 16.00–18.00.

Da vossa viseta selegrein

la suprastonza e la responsabla dil local

«Donnschtig-Jass»



Giugadurs da Mustér separticipeschan al «Donnschtig-Jass», e sch'els gudognan, vegn «Donnschtig-Jass» emess directamein da Mustér ils **2-8-2018**. Naturalmein lein nus sustener ed accumpignar els. Viadi cun bus ad Elgg ni Oberrieden (dependa tgi che gudogna).

Datum: **26-7-2018**

Temps: allas 15.00 naven dalla staziun da Mustér

Prezi: 20 francs per persuna/50 francs per famiglia incl. t-shirt da fan

Annunzias: tochen ils 24-6-2018 tier Mustér Sedrun Turissem, 081 920 40 30, ni info@disentis-sedrun.ch Era encurin nus aunc adina voluntaris per ils 2-8-2018 per service, buffet ni cuschina.

Bien engraziament

Invitaziun Seniors-Ca – Sentupada

Gievgia, ils 28 da zercladur 2018 dallas 13.45–16.00 ell'ustria «Cucagna». Troccas e jass.

Meisa da miezdi organisada da Seniors-Ca – Puntreis

Entschatta: allas 12.15 en Puntreis. Gentar cun treis tratgas inclusiv 3 dl aua dalla spina ed in caffè. Annunzia entochen allas 9.00 dil di a Puntreis (tel. 081 929 56 56). La meisa da miezdi ei aviarta per mintgin/a.

Post d'informaziun Seniors-Ca
